

形式()
內容()
屬行緝官揭參

文 件 號 碼
11318
1

文	件	種	類
✓			
內	正	抄	
稿	本	本	

分	類

札
新竹縣

札

署理臺北府候補府正堂軍功隨帶加二級紀錄五次雷為

札飭事。本年七月二十四日蒙

本道憲陳 札開。本年七月初九日奉

爵撫憲劉 憲案光緒十二年六月二十七日准

吏部咨。考功司案呈。再查臣部處分定例內開。命案兇犯在逃。扣限六個月查

參將承緝官住俸。勒限一年緝拿。二限不獲。罰俸一年。再限一年緝拿。三限不

獲。罰俸二年。仍再限一年緝拿。四限不獲。降一級留任。兇犯照案緝拿。又凡道

路村莊被劫。以失事之日起。扣限四個月。盜犯未獲。參將承緝州縣印捕

官住俸。限一年緝拿。限滿不獲。降一級留任。再限一年緝拿。三限不獲。再留任

一年緝拿。四限不獲。照所降之級調用。如情重命案及搶奪良家婦女之案。以

三參限滿。俱應降調。城內民居與衙署倉庫被劫。並重犯中逃脫。盜案。灰

參監犯越獄各案。以二參限滿。俱應降革離任。是各項案件。按限參處。立法極

為詳備，原以責成地方官認真緝捕，以靖兇徒。乃近來各省命盜等案，其諱匿
 不報者，臣部固無從查察，而開奏到部之案，每有遲至數年或十數年，始行開
 奏。及至開奏之後，又每以一二案為止，咨報四案者，不過十之一二，並有三四
 案到部，而初二案並未開奏者，無案可稽，臣部亦無從核議。甚至灰案勒限緝
 拿之案，亦往往不行復奏。是雖有展案之名，終無降革之實，定例視為具文，盜
 賊因之縱恣，若不灰行考核，則毫無忌憚，緝捕廢弛，於政體大有關係。擬請嗣
 後各直省地方官，如有諱匿不報之案，該督撫一經訪聞，或別經發覺，必須破
 除情面，據實奏報。至開奏報部之案，即按例限，挨次查奏，不得遺漏顛倒。並請
 自光緒十二年正月為始，由各省臬司，將所屬未獲案件，共有若干起，何件已
 滿限，於某日咨部議處，何件未滿限，尚未咨部，逐件分晰註明，並將事主
 失事日期，一併聲敘彙列清單，每屆半年，專案咨報吏部一次。其初次單內未
 結之案，二次單內，仍須開載，以此類推，不得以一報了事。倘查有已逾例限，並
 不揭報者，即將承緝之員，照任意耽延例，指名奏處。如所報單內有遺漏舛錯，
 或延不報部，臣部即隨時奏查，取該管各上司職名，隨案核議。似此灰行考
 核，庶各該地方官知所儆畏，捕務必日事講求矣。如蒙
 允，臣部即通行各省督撫、將軍、府尹，一體欽遵辦理。是否有當，理合附片具奏。
 光緒十二年四月初七日具奏。奉本日奉
 旨，依議欽此。相應通行知照該省可也。等因，到本署部院准此，合就飭行。為此
 仰該道，即便轉行查照，毋違。須案等因，到道奉此。除分行外，合就札飭到
 該府立即轉行所屬一體查照，毋違。此札等因。蒙此，除分行外，合就札飭。

↑為此，仰縣官吏即便一體遵照辦理。毋違此札。

(台北府)

光緒

拾貳年

捌月

初九

日札

光緒十二年八月十一日奉